

呂祖全書

乙巳仲冬
萬德至善社重刊

呂祖全書卷五

義陵無我子劉體恕彙輯

男劉允誠清虛

全校

沙羨一行子黃誠恕參訂

文集下詩餘

梧桐影

落日斜。秋風冷。

今夜故人來不來。教人立盡梧桐影。

漁父詞一名十漁歌子

入定

閉目藏真神思凝。不叶疑融字誤杳冥中裡見吾宗。

無邊畔。迴朦朧。佝景觀來覺盡空。

初九

大道從來屬自然。空堂寂坐守機關。
三田寶。鎮長存。赤帝分明坐廣寒。

亥用

日月交加曉夜奔。崑崙頂上定乾坤。
真鏡裡。實堪論。靨靨紅霞繞寂門。

神効

恍惚擒來得自然。偷他造化在其間。
神鼎內。火烹煎。盡歷陰陽結作丹。

沐浴

卯酉門中作用時。赤龍時蘸音湛玉清池。
雲薄薄。雨微微。看取嬌容露雪肌。

延壽

子午常餐日月精。玄關門戶啓還扃。
長如此過平生。且把陰陽仔細烹。

瑞鼎

會合都從戊己家。金鉛水汞莫須誇。
只此物結丹砂。反覆陰陽色轉華。

活得

位立三才屬五行。陰陽合處便相生。
龍飛躡。虎狂猛。吐箇神珠各戰爭。

燦爛

四象分明八卦周。乾坤男女論綢繆。
交會處。更嬌羞。轉覺情深玉體柔。

煉質

運本還元於此尋。周流金鼎虎龍吟。
身不老。俗難侵。貌返童顏骨變金。

神異

還返初成立變童。瑞蓮開處色輝紅。
金鼎內。迴朦朧。換骨添筋處處同。

知路

那箇仙經述此方。參同大易顯陰陽。
須窮取。莫顛狂。會者名高道自昌。

朝帝

九轉功成數盡乾。開爐撥鼎見金丹。
餐餌了。別塵寰。足躡青雲突上天。

方契理

舉世人生何所依。不求自己更求誰。
絕嗜慾。斷貪癡。莫把神明暗裡欺。

自無憂

學道初從此處修。斷除貪愛別嬌柔。
長守靜處深幽。服氣餐霞飽即休。

作甚物

貪貴貪榮榮逐利名。追遊醉後戀權情。
年不永。代君驚。一報身終那裡生。

病瞥地

萬劫千生得箇人。須知先世種來因。
速覺悟。出迷津。莫使輪迴受苦辛。

常自在

閉目尋真真自歸。佗珠一顆出輝輝。
終日翫莫拋離。免使閻王遣使追。

豆葉黃

二月江南山水路。李花零落春無主。
一個魚兒無覓處。風和雨。玉龍生甲歸天去。

六么令

東與西。眼與眉。偃月爐中運坎離。
靈砂且上飛。最幽微。是天機。你休癡。你不知。

夢江南

詞集全唐作憶江南共十一首道書全
集首句重疊一句不合體式去之

淮南法。秋石最堪誇。位應乾坤白露節。

象移寅卯紫河車。子午結朝霞。

又

王陽術。得秘是黃芽。萬藥初生將此類。
黃鍾應律始歸家。十月定君誇。

又

黃帝術。佻妙美金花。玉液初凝紅粉見。
乾坤覆載暗交加。龍虎變成砂。

又

長生術。佻要補泥丸。彭祖得之年八百。
世人因此轉傷殘。誰是識陰丹。

又

陰丹訣。三五合佻圖。二八應機堪採運。
玉瓊回首免榮枯。顏貌勝凡姝。

又

長生術。初九秘潛龍。慎勿從高宜作客。
丹田流注氣交通。耆老返嬰童。

又

修身客。莫誤入迷津。氣術金丹傳在世。
象天象地象人身。不用問東隣。

又

還丹訣。九九是幽玄。三性本同一體內。
要燒靈藥切尋鉛。尋得是神仙。

又

長生藥。不用問他人。八卦九宮看掌上。
五行四象在人身。明了自通神。

又

學道客。修養莫遲遲。光景斯須如夢裡。
還丹粟粒變金姿。死去莫回歸。

又

治生客。審細察微言。百歲夢中看即過。
勸君修煉保尊年。不久是神仙。

望江南

瑤池上。瑞霧靄羣仙。素鍊金童鏘鳳板。青衣玉女嘯鸞
絃。身在大羅天。
沉醉處。縹緲玉京山。唱徹步虛清燕罷。不知今夕是何
年。海水又桑田。

卜算子

心空道亦空。風靜林還靜。卷盡浮雲月自明。中有山河影。

供養及修行。舊話成重省。豆爆生蓮火裡時。痛撥寒灰冷。

減蘭

木即蘭減字

暫遊大庾。白鶴飛來誰共語。嶺畔人家。曾見寒梅幾樹花。

春來春去。人在落花流水處。花滿前溪。藏盡仙人不知。

西江月

一名白蘋香一名步虛詞共八首

著意黃庭歲久。留心金碧年深。爲憂白髮鬢相侵。仙訣朝朝討論。

祕要俱皆覽過。神仙奧旨重吟。至人親指水中金。不負平生志性。

又

任是聰明志士。常迷東竈黃庭。叅同大易事分明。不曉如醉醉一作眼難醒。

若遇高人指引。都來不費功程。北方坎子是金精。認得黃芽方盛。

又

世有學人無數。愚癡妄意如麻。汞鉛錯認結爲砂。運火欲覓黃芽。千日虛勞心力。人人盡破其家。真鉛似玉本無瑕。將鳳欲比狂鷗。

又

至道不煩不遠。至人只在目前。淮王煉石得冲天。漢世
已經千年。全在低心下人。事該緣分偶然。安爐置鼎盡周圓。須得
汞去投鉛。

又

聽說金公兩字。何物換作金孫。尋枝尋葉必知根。無智
便乃心昏。若用凡鉛爲體。都來少魄無魂。水銀漸結必難成。祕訣
要處誰論。

又

真假兩般佞字。金公所料重迷。凡鉛縱與岳山齊。不肯

假與金妻。

聽說真鉛住處。他家跳在深溪。兩情恩愛事因媒。義重爭敢東西。

又

水火運來周歲。四六勿錯如初。水多火少失功夫。勝地方始安爐。

直須認鼎與藥。却如雞子無殊。內黃外白結凝酥。一顆圓明汞珠。

又

彼此離於生處。火遭水破驚忙。分身各自擬深藏。半路再覓蕭郎。

夫爲無衣素體。妻因水浸衣黃。丙丁甲乙有形相。剛遣

令合陰陽。

浪淘沙一名賣花聲

我有屋三椽。住在靈源。無遮門壁任蕭然。萬象森羅爲斗拱。瓦蓋青天。無漏得多年。結就因緣。修成功行滿三千。降得火龍伏得虎。陸地一作路神仙。

蘇幙遮

天不高。地不大。惟有真心。物物俱含載。不用之時全體在。用即拈一作年來。萬象周沙界。虛無中。塵色內。盡是還丹。歷歷堪收采。這箇鼎爐解不解。養就靈鳥。飛出光明海。

步蟾宮

坎離坤全唐兌逢子午。須認取自家根祖。地雷震動山頭

雨。待洗濯黃芽出土。

捉得金精牢閉錮。煉甲庚要生龍虎。待他問汝甚人傳。

但說道先生姓呂。昔有太守令妓者唱道情詞曲妓無以

酒題詞於壁而去次日妓佐公筵以此歌之太守驚問欲求
道人竟失其踪乃知其為呂祖也妓亦因此脫籍觀此一
方便慈悲按神仙鑑以此妓即張珍奴以太守網之苦洵為

滿庭芳

大道淵源。高真隱祕。風流豈可知聞。先天一炁。清濁
自然分。不識坎離顛倒。誰能辨金木浮沈。幽微處。無
中產有。澗畔虎龍吟。
壺中真造化。天精地髓。陰魄陽魂。運周天水火。變理
寒溫。十月脫胎丹就。除此外皆是旁門。君知否。塵寰

走徧。端的少知音。

醉江月

仙風道骨。顛倒運乾坤。平分時節。金木相交坎離位。
一粒刀圭凝結。水虎潛形。火龍伏體。萬丈毫光烈。仙
花朵秀。全唐亦聖男靈女扳折。霄漢此夜中秋。銀蟾離
海。浪卷千層雪。此是天闕地軸。誰解推窮圓缺。片晌
音賞工夫。音殺霎時丹聚。到此憑何訣。倚天長嘯。洞中無
限風月。

水龍吟

目前咫尺長生路。多少愚人不悟。愛河浪闊。洪波風緊
。舟船難渡。畧聽仙師語。到彼岸只消一句。煉金丹換
了凡胎濁骨。免輪迴。三塗苦。

萬事澄心定意。聚真陽都歸一處。分明認得靈光真趣。
本來面目。此箇幽微理。莫容易等閒分付。知蓬萊自有
神仙伴侶。同攜手。朝天去。

漢宮春

橫笛聲沈。倚危樓紅日。江轉天斜。黃塵邊。火瀕洞。
何處吾家。胎禽怨。夜來乘風。佺露丹霞。先生笑飛空
一劍。東風猶自天涯。
情知道山中好。早翠巖含隱。瑤草新芽。清溪故人信斷
。夢飈車乾坤星火。歸來了煮石煎砂。回首處。幅巾蒲
帳。雲邊獨是桃花。

雨中花

題岳陽樓

三百年間。功標青史。幾多俱委埃塵。悟黃梁。棄儒本一

無儒事。厭世藏身。將我一枝丹桂。換他千載青春。岳

陽樓上。綸巾羽扇。誰識天人。

音闕

蓬萊願應仙舉。誰知會合仙賓。遙想望吹笙玉殿。奏舞

鸞裊。風馭雲駟。不散碧桃紫柰長新。願逢一粒。九霞

光裡。相繼朝直。

促拍滿路花

題長安酒樓柱

西風吹渭水。落葉滿長安。茫茫塵世裡。獨清閒。自然

爐鼎。虎繞與龍蟠。九轉丹砂就。一粒刀圭。便成陸地

神仙。

從他富貴擁華軒。到了亦徒然。全唐作萬釘寶帶黃梁猶

全唐未熟。夢驚殘。是非海裡。終久立身難。全唐作道人難

拂袖全唐作江南去。白蘋紅蓼。再遊全唐作湓浦廬山。

沁園春三首

火宅牽纏。夜去明來。早晚無休。一憂作奈今日不知明日

事。一作奈今日茫波波劫劫。有甚來由。人世風燈。草

頭珠露。我見傷心眼淚流。不堅久。似石中迸火。水上

浮漚。

休休。及早回頭。把往日風流一筆鉤。但麤衣淡飯。隨

緣度日。任人笑我。我又何求。限到頭來不論貧富。著

甚麼忙日夜憂。勸年少。把家緣棄了。海上來遊。

前調

詩曲文章。任汝空留。數千萬篇。奈日推一日。月推一

月。今年不了。又待來年。有限光陰。無涯火院。只恐

蹉跎老却賢。貪癡漢。望成家學道。兩事雙全。

凡夫一作只戀塵緣。又誰信壺中別有天。這道本無情。
不親富貴。不疎貧賤。只要心堅。不在勞神。不須苦行。
息慮忘機合自然。長生事。待明公放下。方可相傳。

前調

七返還丹。在人先須煉已待時。正一陽初動中宵漏永。
溫溫鉛鼎。光透簾帷。造化爭馳。虎龍交媾。進火功夫
牛斗危。曲江上。見月華瑩淨。有箇烏飛。
當時自飲刀圭。又誰信無中養就兒。辨水源清濁。木金
間隔。不因師指。此事爭知。道要玄微。天機深遠。下
手速修猶太遲。蓬萊路。仗三千行滿。獨步雲歸。

呂祖全書文集後原序

有唐真人純陽呂祖集。共八卷。本傳及靈跡三卷。詩

歌五卷。不知哀於何人。自宋乾道間。已刊布於世。凡爲五七言律若干首。五七言絕句若干首。歌詞若干首。或專闡玄旨。或因人規諷。或自況寄情。皆所以發揮妙道。迪啓後人。要非徒作。夫仙真以道相授。自黃帝廣成子崆峒問答之後。已有玄言見於載籍。嗣後述作貽世者。代不乏人。至唐呂祖。則度人誓願。尤爲深重。由唐貞元暨今。且八百年。而分身化現。殆無日不在世間接引種人。猶慮遇合不易。又撰爲詩歌傳布焉。甚盛心也。今之學道之士。欲見祖者。蓋人人而然。然使見而不能行其道。與不見何異。故子謂欲見祖者。且無如熟復此集。凡祖之精神命脈。與其所以開悟學徒者。蓋莫詳焉矣。昔司馬子微。自謂

讀天隱子三年。而天隱子出焉。授以口訣。此真篤於求道者之效也。世人讀此集。有如司馬真人。安知呂祖不出而親爲點化也哉。是集江南舊無善本。子得大名府尹姚汝循公本頗佳。又諸本皆無敲爻歌。及百字碑。三字訣等篇。靈跡中又濫收猥褻一二事不雅馴。皆爲刪補。字之訛舛者正之。序之無關係者去之。其卷次位置。不敢擅更。則欲存其舊也。爰命重書。授之梓人。公於四方。庶同志者。便於觀覽。而子不自度。輒綴此數語於末簡。匪徒諷人。亦用自省焉。萬曆十一年癸未福建福寧府浦城雲石楊良弼謹識